

子部・雜家類

經史避名彙考・彈園雜

志・雙槐歲抄・邸中雜


記・聞雁齋筆談・閒書

北京圖書館古籍珍本叢刊

67

書目文獻出版社

ISBN 7-5013-1406-3



9 787501 314065 >

北京圖書館古籍珍本叢刊

子部·雜家類

67

經史避名彙考·彈園雜

志·雙槐歲抄·邱中雜

記·聞雁齋筆談·閒書

編者 北京圖書館古籍出版編輯組

出版 書目文獻出版社

(北京文津街七號)

印刷 北京大興古籍印刷裝訂廠

定價 叁佰壹拾圓

ISBN 7-5013-1406-3/Z·226

目錄

經史避名彙考	四十六卷		一
彈園雜志	四卷（存一卷）		五七九
雙槐歲抄	十卷		六四一
邸中雜記	一卷		七八三
東坡先生集物類相感志	十八卷		七九七
聞雁齋筆談	六卷		九〇一
閒書	十五種 六卷（存三卷）		九八九

經史避名彙考編目

首卷 自叙 例言

一卷 原名一

命名 同名 二名 改名 字以敬名 小名小字

二卷 原名二

命名 原名 二名 改名 字以敬名 小名小字

三卷 原名三

命名 原名 二名 改名 字以敬名 小名小字

四卷 原名四

命名 原名 二名 改名 字以敬名 小名小字

五卷 原名五

命名 原名 二名 改名 字以敬名 小名小字

六卷 原名六

命名 原名 二名 改名 字以敬名 小名小字

七卷 原名七

命名 原名 二名 改名 字以敬名 小名小字

八卷 原名八

命名 原名 二名 改名 字以敬名 小名小字

九卷 原名九

命名 原名 二名 改名 字以敬名 小名小字

十卷 原名十

命名 原名 二名 改名 字以敬名 小名小字

十一卷 原名十一

命名 原名 二名 改名 字以敬名 小名小字

十二卷 原名十二

命名 原名 二名 改名 字以敬名 小名小字

十三卷 原名十三

命名 原名 二名 改名 字以敬名 小名小字

十四卷 原名十四

命名 原名 二名 改名 字以敬名 小名小字

十五卷 原名十五

命名 原名 二名 改名 字以敬名 小名小字

經史避名匯考

目錄



二十八頁

三十一頁

四十六頁

十六頁

二十一頁

二十一頁

二十一頁

二十一頁

二十一頁

二十一頁

二十一頁

二十一頁

二十一頁

十七卷 帝五十四 梁唐晉漢

十八卷 帝五十五 周世宗

十九卷 帝五十六 宋

二十卷 帝五十七 宋續南唐楚齊

二十一卷 帝五十八 南宋

二十二卷 帝五十九 遼金元世宗天光漢夏周

二十三卷 帝六十 明世宗大順大西

二十四卷 官授一

二十五卷 官授二

二十六卷 儲副

二十七卷 藩封一

二十八卷 藩封二

編目

二十九卷 歲晚

三十卷 官條一

三十一卷 官條二

三十二卷 官條三

三十三卷 官條四

三十四卷 官條五

三十五卷 親屬一

三十六卷 親屬二

三十七卷 親屬三

三十八卷 親屬四

三十九卷 親屬五

四十卷 師友一

二十四頁

二十八頁

三十六頁

三十三頁

二十八頁

二十八頁

二十九頁

二十八頁

二十八頁

二十八頁

二十八頁

二十八頁

二十八頁

二十八頁

二十八頁

二十八頁

二十八頁

二十八頁

二十八頁

二十八頁

二十八頁

二十八頁

二十八頁

二十八頁

二十八頁

二十八頁

經史避名匯考 目錄

四十一卷 師友二	二十一頁
四十二卷 道釋	十一頁
四十三卷 閨閣	十九頁
四十四卷 神祠	七頁
四十五卷 遠服	七頁
四十六卷 雜錄	二十一頁
宋附吳寧題識	兩頁

已書既經校訂未付刊此則校為製高係
先中最高改定以待刊出惜校書未竟已歸道山
知中熟索續行勘訂而成遂為海內所不矣
以兼金得此快石者氏二三 寫金氏

編目

三



自叙

廣業結髮從師授書論過夫子自稱必圖其字今讀若某以為常既授戴記先子為講諱字始知禮有避名時已九歲矣明年秋先子見背藐諸負笈心目交瞿嘗過烏墩舅氏一同姓老儒為言乙卯榜發取訛諱余得繼知實尊甫厭世幾何年矣廣業方悟其與先諱同遂巡引退不樂竟日長試有司恪遵禁例於

列聖廟諱

皇上御名

至聖先師諱敬謹避寫偏旁點畫無不致慎此則臣子之道

應爾非直鯁鯁為不考慮也顧性嗜書過疑義必加研究每見昔人名字及筆經文字諸書稱引者往往改出不窮同如微子開殷周協和萬國萬滿教也之類初謂今昔本異及詳核之皆由當日避諱之故魏晉以降遷改尤多此皆年代懸隔聲跡銷迹沉獨字畫炳然方策注釋者不敢從畧學校者無敢擅更按其年世稽其名諱自周迄明初無或與因念幼所聞於父師及平昔兢兢於涉筆矢口者固尊親大義所在于而實讀書論世之要端也況乎脩長皓白觸類紛紜習學相沿易滋惑誤是烏可以無考乎而藏貧客授方博脩脯以養老母兼之闕閨市借人旋得旋失管窺蠡所測得無足窺

測天海遂爾因循積歲壬午館梓溪王氏主人喜蓄書脈脈之餘獲縱披覽意有當者即疏記之久之鼓稿哀然甲辰春索以入都與校四庫全書多所增益丁未冬南旋為縣貴件擊而手錄之複者汰誤者辨闕者聽或值疑似漏畧採掇群言參互剖晰有易稿至七八者輒作不常去冬始繕齊為卷四十有六原名二卷序例一卷帝王由周迄明二十卷宮掖以下至雜避忌二十三卷別為帝王廟祭圖一卷發凡起例庶幾完書竊謂聽聲依事人盡有名避就形聲諱闕禮典意昔賢必有專精斯事鬱為不刊者然如王休元日對千客不犯一人之諱僅通譜學梁徐脩仁該綜百代皆為避諱亦祇

工文翰之用惟東漢應仲達諱議晉陳承祚釋諱勒為一家言而書久佚亡祇存目錄類家則書鈔始集諱事而甚畧通典及冊府元龜事文類聚所載宋洪容齋王勉夫諸公所記非無論列終嫌掛漏是考以經史為綱領以諸子百氏為條目旁徵曲引寧詳毋畧某朝某帝所諱若而字彰彰可數覽之可想見當日臣子忠愛之心流露於載籍間如此而凡事涉疑味者或遂因之冰釋似亦詩世之一助也在昔文公定制卒哭乃諱漢以來生亦避名茲故以名賤之鄭氏注禮訓諱為辟釋文音避張子諱釋諱也因題曰經史避名彙考先後是私有著俱賴同志裁益此書創始其難要要將

伯無應者乃不復敢示人惟崔表弟星洲寶同癖嗜先後惠
既甚多表侄朱尚行維亨髫髻穎悟手錄稗海所有見貽惜
早殞未竟其力茲並採列功不可忘親識中前輩虛也經先
生最重家諱官中書日啟求父母毀壽詩文末云家諱為幸
避此一字翰下清人罵墳蓋其祖書蒼府君諱也其憤如此
間廣業是書謬許成日作序豈意卯冬遽返道山就正無從
蓋溯創業之初已閱三十餘年追思庭訓花甲將過無令名
之貽可知已茲以奉帙頗繁不無魚豕勘對之下改注塗乙
滋多倩能書者重錄以便省覽因覆校一過脩述所緣起焉
時

嘉慶二年歲次丁巳閏六月立秋後二日海寧周廣業耕厓
書於古綏安之復初書院



例言

禮順人情義協則起殷雖貴實高宗已用以題篇周末肅神
王季尚嫌於連字是以文公創作營洛觀心曲備節文必以
諱為首也顧諱無過舉制謚更極顯揚名貴難知告字是先
引避則知名為諱地諱為名終身後固無敢言生前亦豈可
斥卿蒼所說小戴所傳不惜文繁義複誠重之也秦漢而降
舊禮容有不遵獨名諱奉為葵憲轉益精詳而宋吳廷珍糾
唐書以失載楊隆改名為尊敬君親不嚴深責史氏非以忠
孝之情不因代隔而致殊哉爰條錄禮文史例為質樸蕪列
先儒先同異諸說證明之



履載之中所共尊者一人白帝通謂天子為爵帝王為號接
上稱天子明以德事天也接下稱帝王明號令天下也今取
其義以標目或泥周有貶號之說夫察道通德隨世立名三
畫連中亦參天地故易言包犧氏王天下史於夏殷本紀稱
帝而晉卜偃亦曰周禮未改今之王古之帝也茲以避名令
範垂自蒼姬故特據實而書為百王冠秦采尊君抑臣之法
兼三五而稱皇帝漢起朝儀用之造因雖異推戴從同依二
十四史叙周迄前明諸帝王文不厭詳專所重也
五德遞嬗必以革命為始布衣天授者固然即六州歸化如
文王冕旒警蹕如晉文帝猶未許閣干也迨夫改正易服爰

考文章溯王迹之肇基追崇率祖雖天子必有父致敬所生
諱以次頌權歸統一其有旁宗入繼家孫承祧者悉準此例
此主僭君亦各隨其閏位以為先後按年考核庶免混淆
紫宸作儷詩美嗣徽銑樹分輝易占主罷自昔明王之政所
由敬身以及妻子也雖化隆節儉告師氏以歸寧道重元良
與國人相齒讓每存謙抑以明無二尊之義而母儀區寓長
秋長信之宮監撫國軍重潤重輝之樂凡夫表章賡奏資敬
無殊官號門名隨宜請易炳在典誥各有舊章
朕膺侯國實以屏周軒冕王官非徒衰紀此於帝室為懿親
家戚特分著之勲賢故舊禮有不名臣屬吏民義無犯上至

於父生師教由逮事以溯鼻祖由執贄以及肩隨皆所以敦
人倫也內臣亦分品秩序綴官僚二氏咸集門徒類從師友
公私之諱備於此矣摺言不出各有家風神鬼遐荒豈忘禮
教而白氏經史事類有避忌一門故亦撮舉難忘殿焉
帝王訓名單複本無定準惟正名之外有初有舊或改或復
史例以最後一名領之字以表德古人所重然周以某甫吟
鬼神而簡冊無傳後此惟兩晉及江左最詳漢止七帝唐止
二帝宋止四帝可考耳又有小名小字及自相況謂皆不容
略謹以歸終初止一字後通加至十六或二十字要為尊祖
敬宗之意今與廟號陵寢悉依本紀書之其記異者隨加考

證至主上徽稱出自臣下難與南郊請命並登但本書以尊諱為主故雖偏霸有帝制自為者亦不削之而變書名某以存史意且別於僭偽叛逆焉

名以制義故名義最先由繡發其凡矣前主所是著為律後主所是疏為令一代典章具有成式自執簡以及立訓上榜桃遷詔勅奏議皆是也遷避之法義類紛綽標四門以排比之人肖形天地而靈於萬物故首人事而以天文地理物類繼之四者人事最夥曰名字曰氏族命自親者不奪本乎祖者難誣因厭於所尊舉世時異世者悉改之如劉徹為通薛邦為國籍為席爽為盛也曰謚號如漢之嚴公唐之代祖及

明慶宋之真宗及正觀凡此皆名之屬也考証全憑書籍經曲以啟為開借資同訓著述以志為意用代本文知人論世於是乎在矣其有先列字體或踵接音讀者蓋變體改音皆自秦改正為征始但古字原有通借於義無乖帥詔及准猶用此法至唐既令為字不成復聽隨便換易卅廿云更遂至形模不出離詩音昌為唱德明但以意逆至正月及慘與甄非因諸轉忽判宮商二者均非細故權其輕重如犯盈啓性之類初非經用祇連及之太甚者始為別著故用以首尾書籍焉他如官制綿範司徒禮樂徵勸商頌皆人事也天文賧以儀象時令地理綜以郡縣山川營建物類則以動植器用

區之間有避及字謚年號者亦為附載而以觸犯終焉然此特言其通例也其間有無繫簡各隨時制如所見無多即不復標門或標門而不列目帝王之外更從省約矣

周室廟諱無微以二山五皓推之不應偏詳列辟蓋柱下所藏盡歸秦焰矣義訓榜惡齊李搗證以憲於王宮王慈亦謂事殷中世合諸次君所記子幹所通疑本周濫也諱訓換以一字制為最善準是推尋十得八九所惜古書數經鈔刻難免訛錯耳唐則諱訓不立而迴避加嚴臨文任意遷變益致紛岐中如獸武代理之類猶易識別神龍而後殊貴究詳宋淳熙文書所列繁若秋荼形似音嫌動多曲避元明寬法迥

柳

異前軌而點畫那移論者病之上下二千餘年禮俗畧可考見

訓野難改制書后而帝者也首止之會武德之令儲貳之帝者也既皆兩見矣自餘椒房鶴禁非諱字炳著及確有掌故不概登載正如月有盈闕星有隱見未得與太陽比曜也而皇枝貴族從可知矣名字之辨詳於三傳漢晉以來在朝有詔書贊拜之賜在野有辭曹南郡之稱禮賢慕德之義存焉至於家諱繁矣春秋之孔父史記之趙同范書之郭太鄭太皆史例也咸康勅云諸身名與官職同者與觸父祖同例知改還非始與午唐宋因以冒禁著律寄理繁銜蓋移孝可作

忠將使無負於君先令不忘其祖也至若主簿避長吏部曲避監司舉子避宰相主文則入門問諱之義且天子之命吏故也

祧毀之廟屬竭則言事無嫌豈易姓尚宜沿襲薛邦深離啟著錄孔門而久蒙漢諱唐明議禮家無能掇正斯為疎也至聖人垂教萬世祖豆不祧

皇朝著令謹避典禮既隆備矣乃若高第受封太常奏改重蒙臨字蘭子議更亦皆命儒者所當知也謹為詳列先賢先儒皆承師也依次序之交誼之重觀於門人拜送知無面斥之理後世疾師怨友者有矣知此亦可維人心而厲末俗推

之方外何獨不然

名諱見經史者纖悉必錄然不能多軼在他說者亦少搜輯三紀脫頭重所閱書除集類外於諱有偶及者有絕無者有展卷即是者有閱數寸始獲一二者有頗言諱而實無當者有不言諱而可借証者汰其雷同正其疎謬參互採列其初見必具撰人姓名以便覆審或大書於首或夾注於末隨文勢之便累朝各自有史如引漢書其下但云本紀某傳某志惟雜出他史別書則更詳之別標肇始彙錄辨論間有管窺通條附見其散雜錯互無可件繫者歸于總彙累朝帝諱世遠字繁賴有注釋明之如公羊春秋謂蔽公也

釋文謂避後漢諱城開陽纂例謂避景帝諱荀氏易以正國也釋文亦云漢諱至史漢諸家注於秦漢之諱往往義訓稠疊非好煩也古書不可擅改而文字岐異慮滋讀者之惑故不惜深考詳言之耳李涪城注文選胡身之注通鑑並然唐以後書多自為注如通典太傅少傅注傳即師也景帝諱改釋法明佛國記注本名法顯國諱改焉之類最便省覽是考皆為條錄誌所本也唐末及宋人著述注例又別遇國諱則虛其字不書注云某祖某宗廟諱今上御名此却未安其字既干明禁不得已而泛用乃反填君上名諱實之倘繫前人名字尤覺不恭茲亦載一二俟有識者裁焉又如程迥三罷

圖義有荀勉勉下注本字諱呼玉切此避神宗諱於體頗得陶氏說郭乃改為荀昂而仍其注點讀幾不可解此則校改專輒之過不可不戒也

移改前人名字自知即當自解漢書刪通傳本與武帝同諱最為得之宋魏以下諸史變為名犯廟諱先朝臣子何緣預避後王概科以犯於義未安唐宋人撰述遇國諱輒填注廟諱御名亦未盡合然此定由諱訓除棄絕少据依擅易則惑人直書則不可故耳洪惟我盛朝斟酌情文權衡禮律列聖廟諱

皇上御名

申命禮臣謹擬應避字樣

審裁頒定率土奉行而於聖籍傳信之書敬闕點畫文既顯而可辨事復簡而易從意義法良洵足起前垂後是考專主諱避故如易之元黃書之允征俱遵

今甲敬謹改寫覽者自能瞭然惟值古帝王賢達姓名字號即於諱避字下標明本字避改不復斥其上同亦不沒其本始乃就史例變通之庶涉筆者知所凜焉

或謂帝譜以考鏡得失家牒以甄別是非是書初無適用何事殫精竭力為應曰種弓二卷皆言事始今常談呼正月為

戊征起於秦戊已為務起於果又如論語漆雕開漢諱也孟子小人之事唐諱也注中眾煩揖遜常產常心宋諱也千文鳴鳳在竹桓公輔合蒙求欽宗從裴欽德奪稍亦宋諱也姓編首頁尤本姓沈闕王諱也嚴本姓莊漢帝諱也此類重而習之口滑耳熟誰復究所從來者取以旁通未必非格致之助況其義更有深焉者乎



經史避名彙考卷一

海寧周廣業耕厓

中國書畫函授大學

一藏諸閭府其一獻諸州史州史獻諸州伯州伯命藏諸州府

原名

名以吐情惟鳴與命徹的咳笑教始是矣顧錫從初度
每依事以聽聲而道有養恩責難知而易避從固鄒鄒
炳載禮經字行號謚以敬以尊錄弁篇端則察車自輪
之義也

禮記內則國君世子生告于君接以太牢凡接子家子太牢燕人持豚子特注
大夫少牢國君世子太牢其非家子則皆降一等鄭康成注
云家子元子世子猶言長子特家以下皆降長子也非家子
謂其弟三日卜士負之射人以桑弧蓬矢六射射天地四方射
及妻子

士之妻大夫之妾使食子

孔子達正義此國君世
子生負子及食之法

三月之末擇日前剪髮為髻男角女羈否則男左女右是日也

妻以子見於父貴人則為衣服注貴人大夫以上此注無正義及素者皆本注由

命士以下皆漱。澣男女夙興沐浴衣服具視朔食。天子太牢諸侯少牢

大夫將豕 夫人入門 升自阼階 立于阼西 鄉妻抱子出自

房當榻立東面姆先相曰母某妻姓若言妻氏敢問時日祇見孺子

夫對曰欽有帥教之獎使有循父執子之右手咳而名之小書說文咳兒笑聲

父執手引使笑
動其知覺也
妻對曰記有成講夫言遠左還授師子師辨

五言子見

案正義此謂卿大夫以下名子之法故以名徧告同宗諸男若諸侯既絕宗則不告諸男也據注於朔食下兼舉天子諸侯則上達可知蓋子初生無貴賤天子之元子士也故庶人之禮亦無異國君大戴禮保傳曰王者太子生圉舉之禮使士負²子有司參夙興端冕見之南郊白虎通姓名篇天子太子使士負²之於南郊以桑弧蓬矢六射者何也此男子之事也故先表其事然後食其祿然則負子男射並命名想亦爾也

世子生則君沐浴朝服夫人亦如之見於路寢皆立于阼階西鄉
世婦抱子升自西階君名之乃降適子世子弟素此庶子素此
世婦所生見於外寢君燕撫其首咳而名之禮帥初無辭無
不必妻子有帥記
有成辭

公庶子生三月之末其母沐浴朝服見於君

以其子見君所賜於君有恩惠如君名之衆子則使有司名

之故注以中名子問之於中
魏高宗亦使有司議名陳祥道書

直云不合名子於有司典上父名之也

庶人子見父之禮無以異也

曲禮名子者不以國不以日月不以隱疾內則不以山川

鄭康成注此在常語之中為後難諱也隱疾衣中之疾謂若黑臂黑肱矣疾在外者雖不得言尚可指適此則無時可辟俗語云隱疾難為醫正義不以國者不以本國為名他國得為名春秋桓十二年衛侯晉卒襄十五年晉侯周卒是也之未失亦禮不以日月者不以甲乙丙丁為名殷家得為名者殷質不諱故也然魯僖公名申蔡莊公名甲午者周未亂世不能如禮或以為不以日月二字為名也不以隱疾者不以體上幽隱之處疾病為名春秋傳宣二年

趙穿迎公子黑臀於周立之周語單子云晉成公之生夢神規其臂以黑使有晉國此天所命故得而名昭元年楚公子黑肱昭三十一年邾黑肱得名或亦有由或亂世不能如禮

曾子問君薨而世子生太祝告曰某之子生敢告告於太廟三日奉子殯前北向祝曰某之子某某從執事敢見太宰命祝史以名徧告於五祀山川子名之喪於禮略也如已葬而世子生則告於禩三月乃名於禩以名徧告及社稷宗廟山川

正義王肅曰未葬當稱子某故三日名之此既葬稱子不

稱名故三月乃名

儀禮士喪禮子生三月則父名之死則哭之未名則不哭也春秋左傳桓六年九月丁卯子同生公問名於申繻對曰名有五有信有義有象有假有類以名生為信杜預注若唐叔以德命為義若文王昌以類命為象若孔子首取於物為假若伯魚生人有饋取於父為類若父同生有不以國為名若國名受之天子不可擅易須臾名不以山川為名若山川名受之天子不可擅易須臾名不以日月為名若日月名受之天子不可擅易須臾名不以隱疾為名若隱疾名受之天子不可擅易須臾名不以官為名若官名受之天子不可擅易須臾名不以山川為名若山川名受之天子不可擅易須臾名不以日月為名若日月名受之天子不可擅易須臾名不以隱疾為名若隱疾名受之天子不可擅易須臾名不以官為名若官名受之天子不可擅易須臾名

以隱疾隱痛疾惡不以畜牲不以器幣周人以諱事神名德多釋文云絕句家終將諱之故以國則廢名國不可易以官則廢職以山川則廢主改其山川之名正義謂廢其所主常山諱名不改北嶽曰以畜牲則廢祀名羊則廢羊以器幣則廢禮晉以信侯廢司徒廢為宋以武公廢司空廢為先君獻武廢二山具名也魯獻公名具武是以大物不可以命公曰是其生也與吾同物命之曰同桓公六年夫人生子與桓公同日故

案五名之外又有待事而名者左傳襄三十年師曠曰叔孫莊叔敗狄于鹹獲長狄僑如及他也約也而皆以

名其子年傳如約皆取長秋名事在文三十一定八年魯苦
越生子將待事而名之陽州之役獲焉故名之曰陽州
事而有待則其時亦定三月也視戴記多官及姓幣者
彼通于士庶此專為國君言也名子以國其名將終廢
不諱故首戒之但春秋時晉衛諸君皆用之不疑故杜
知此專就本國而言終周之世未有以本國為名者獨
史記田完世家有威王因齊既辨之孟子四考中矣官
與山川等則犯者甚多

大戴禮保傳青史氏之記曰太子生而泣太師吹銅曰聲中
某律太宰曰滋味上某然後卜名素列女傳引青史之記曰王太子慈張之禮義卜王

陸

太子名謂新書引上無取於天盧注謂下無取於陸
作太卜曰命云某引上無取於天盧注謂下無取於陸
杜及中無取於名山通谷無拂素列女傳於鄉俗言不苟易是
故君子名難知而易諱也此所以養恩素新書之道謂避後
班固白虎通姓名篇人必有名何所以吐情自紀尊事人
者也論語曰名不正則言不順三月名之何天道一時物
有其變人生三月目然盧本當作三月而後視也又大戴禮
篇三月通時而後能亦能咳笑與人相更答故因其始有
知而名之禮服傳曰子生三月則父名之於祖廟祖廟者
子之親廟也明當為宗祖主也一說名之于燕寢名者幼
少卑賤之稱也寡略故於燕寢禮內則曰子生君沐浴朝

服夫人亦如之立于阼階西面世婦抱子升自西階君命
之適子執其右手庶子撫其首君曰飲有帥夫人曰記有
成告于四境者所以過絕萌芽禁倫未然故曾子問曰世
子生三月以名告於祖廟內則記曰以名告於山川社稷
四境殷以生日名于何殷家質故直以生日名子也尚書
家太甲帝乙武丁不以子世為名者甲乙
亦非一也或聽其聲以律定其名或依其事旁其形故名
或兼或單也依其事者若后稷是也棄之因名為棄也旁
其形者孔子首類魯國尼邱山故名為丘或旁其名為之
字者問名即知其字問字即知其名若名賜字子貢名鯉

字伯魚春秋議二名何謂其無常也若乍為名祿甫元言
武庚名不以日月山川者少賤卑已之稱也臣子當諱為
物示通故避之也曲禮二名不偏諱連事父母則諱王父
母不逮父母則不諱王父母也君前不諱詩書不諱臨文
不諱郊廟中不諱又曰君前臣名父前子名謂大夫名卿
弟名兄也明不敢諱於尊者前也太古之時不諱者何尚
質也故臣子不言其君父之名故禮記曰朝日上質不諱
正天名也案此句費解大戴禮廣義德篇上古不諱正
天名也及後期日足禮記為名誤則其文耳
董子繁露深察名號篇古之聖人編而致天地謂之號鳴
而命施謂之名名之為言鳴與命也號之為言誦而致也

社稷於子者三其禮略與命名同因言凡諸貴以下至於百姓男女無敢與世子同者此天子立世子之禮也諸侯世子名無敢上同況天子之世子乎

殺梁春秋傳昭七年八月衛侯惡卒鄉曰衛惡說詳今日衛侯惡此何為君臣同名也君子不奪人名不奪人觀之所名重其所以來也王父名子也

周密癸辛雜識有君臣同名者襄王名鄭衛成公與同時亦名鄭宋武帝名裕諸叔度王敬宏本字皆名裕之謝景仁張茂度皆名裕宋明帝名或王景文亦名或唐元宗名隆基劉子元名知幾又有父子祖孫同名者周康王名釗

生子瑕是為昭王宋明帝名或其子後廢帝亦名昱魏獻文名宏本字其子孝文名宏本字雖相近而字猶異也若周厲王名胡而僖王名胡齊蔡文侯昭侯相去五世皆名申何耶

史繩祖學齋帖碑古今同姓名者多矣而祖孫父子同名為可各晉有兩劉毅兩周撫同時兩孫秀兩解系兩周訪兩王愷王渾王澄又唐文宗時韓翃知制誥又有一韓翃為太守帝書胡寒食詩一絕云與此韓翃縱同時而同姓名無足怪也容齋隨筆載魏安同父名屈同之長子亦名屈此祖孫同名也趙處士羅君墓誌云君諱靖父靖學優

不仕此父子同名也余謂元魏之俗不足以禮義責之羅君既為處士乃至父子同名視司馬遷以趙談為同豈不為萬相速哉

孔氏仲平難說王羲之子徽之子徽之子禎之王允之子晞之晞之子肇之王宴之子崑之崑之子頤之皆三世同用之字胡毋輔之子謙之吳隱之子瞻之顏悅之子愷之皆兩

世同用之字深詩神寄筆談云古人命名不嫌同字而無忌諱如此不可曉也

程哲荅差蠹說父子同名漢書廣陵孝王子名德其嗣子復名德父子同字晉張老字孟子趙亦字孟晉邵克字駒伯邵錡亦字駒伯有兩世名同之字者胡毋輔之云云三

世名同之字者王宴云云徐達之子湛之湛之子書之四世名同之者王羲之子獻之子徽之子靖之子愷之子五世名同之者王胡之子茂之子裕之子裕之子瑣之瑣之子秀之六世名同之字王彪之子臨之子納之納之子准之准之子興之子進之廣素素之是語助二字作名所重原在上一字然父子祖孫名皆連之有如昆季亦所不可也

右同名

春秋公羊傳定六年冬季孫斯仲孫忌帥師圍邲此仲孫何忌忌也為謂之仲孫忌識二名二名非禮也據是年夏書仲孫何忌